

Na osnovu člana 2.9 stav (1) tačke 2. i 7., a u vezi s čl. 1.5 stav (1), 5.3 stav (1), 5.4 stav (1), 5.21, 5.22, 5.24, 5.26, 5.27, 5.28, 5.29, 5.29a, 5.30, 5.31, 5.32 i Poglavlja 14. Izbornog zakona Bosne i Hercegovine (“Službeni glasnik BiH”, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10), Centralna izborna komisija Bosne i Hercegovine je na 46. sjednici, održanoj 19.08.2010. godine, donijela

## **Pravilnik o dopunama Pravilnika o načinu provođenja izbora u Bosni i Hercegovini**

### **Član 1.**

U Pravilniku o načinu provođenja izbora u Bosni i Hercegovini («Službeni glasnik BiH», broj 37/10), (u dalnjem tekstu: pravilnik), u članu 2. iza stava (4) dodaju se novi stavovi (5) i (6) koji glase:

“ (5) Glasački listići iz stava (1) tačka a) alineja 1. ovog člana su:

- a) glasački listići za redovno biračko mjesto,
- b) glasački listići sa posebnom zaštitom za glasanje u DKP-ima i
- c) glasački listići sa posebnom zaštitom za glasanje putem pošte.

(6) Glasački listići sa posebnom zaštitom za glasanje u DKP-ima ima otisak štambilja sa nazivom odgovarajućeg DKP BiH, a glasački listići sa posebnom zaštitom za glasanje putem pošte imaju oznaku “POŠTA/ПОШТА”.

### **Član 2.**

U članu 42. stav (1) u tački b. iza riječi: “broj setova glasačkih listića” dodaju se riječi: “ sa posebnom zaštitom”

### **Član 3.**

U pravilniku iza člana 58. dodaje se novi član 58a koji glasi:

“ (1) Glasački listić je nevažeći:

- a) ako nije ispunjen, ili je ispunjen tako da nije moguće sa sigurnošću utvrditi kojoj je političkoj stranci, koaliciji, nezavisnom kandidatu ili listi nezavisnih kandidata birač dao svoj glas;
- b) ako su dopisana imena kandidata; ili

- c) ako je označeno više od jedne političke stranke, koalicije, nezavisnog kandidata ili liste nezavisnih kandidata; ili
- d) ako se na osnovu oznaka, koje je birač dopisao na glasački listić, kao što je potpis, može utvrditi njegov identitet;
- e) ako birač označi glasački listić na način drugačiji od onog koji je utvrđen u članu 5.14 Izbornog zakona BiH ili
- f) skenirani, kopirani i listić koji ne pripada tom biračkom mjestu, odnosno opciji glasanja.

(2) Centralna izborna komisija BiH će posebnim propisom utvrditi postupanje biračkog odbora u situacijama kada na biračkom mjestu nađe glasačke listiće iz tačke f) ovog člana.“

#### **Član 4.**

U članu 61. stav (2) u tački b) iza riječi: “ostali glasački lističi” dodaju se riječi: “ i glasački lističi iz tačke f) člana 58a. ovog pravilnika”.

#### **Član 5.**

U članu 63. stav (4) u tački b) iza riječi: “ostali glasački lističi” dodaju se riječi: “i glasački lističi iz tačke f) člana 58a. ovog pravilnika”.

#### **Član 6.**

U članu 67. stav (1) u tački b. iza riječi: “ listice” dodaju se riječi: “sa posebnom zaštitom”.

#### **Član 7.**

##### **(Stupanje na snagu i objava u službenim glasilima)**

Ovaj pravilnik stupa na snagu danom donošenja, a objavit će se u „Službenom glasniku BiH“ „Službenim novinama F BiH“, „Službenom glasniku RS“, „Službenom glasniku Brčko Distrikta BiH“ i web stranici Centralne izborne komisije BiH [www.izbori.ba](http://www.izbori.ba).

Broj:05-1-02-2-2137-1/10  
Sarajevo, 19.08.2010.godine

Predsjednica

Irena Hadžiabdić